

ত্রিপুরা সরকার
তথ্য ও সংস্কৃতি অধিকার

স-৫১২১

তেলিয়ামুড়া, ৮ মার্চ, ২০২৪

মুঙ্গিয়াকামী ব্লক প্রাঙ্গণে স্বচ্ছতা পাখোয়ারা কর্মসূচির উদ্বোধন

সরকার স্বচ্ছতার উপর গুরুত্বারোপ করে

বিভিন্ন কর্মসূচি নিচ্ছে : জনজাতি কল্যাণ মন্ত্রী

অঙ্গনওয়াড়ি কেন্দ্র থেকেই শিশুদের হাতে কলমে শিক্ষা শুরু হয়। তাই এই কোমলমতি শিশুদের অঙ্গনওয়াড়ি কেন্দ্র থেকে স্বচ্ছতার পাঠদান শুরু হলে শিশুদের পাশাপাশি সমাজও উপকৃত হবে। গতকাল মুঙ্গিয়াকামী ব্লক প্রাঙ্গণে স্বচ্ছতা পাখোয়ারা কর্মসূচির উদ্বোধন করে জনজাতি কল্যাণ মন্ত্রী বিকাশ দেববর্মা একথা বলেন। অনুষ্ঠানে তিনি বলেন, ২০১৪ সালে নরেন্দ্র মোদি প্রধানমন্ত্রী হিসাবে শপথ নেওয়ার পর সারা দেশেই স্বচ্ছতার উপর বিশেষ গুরুত্বারোপ করা হয়। রাজ্যের বর্তমান সরকারও স্বচ্ছতার উপর গুরুত্বারোপ করে বিভিন্ন কর্মসূচি নিচ্ছে। স্বাগত বক্তব্য রাখেন মুঙ্গিয়াকামী নিবিড় শিশু উন্নয়ন প্রকল্পের আধিকারিক অজিত মোহন জমাতিয়া। অনুষ্ঠানে বিশেষ অতিথি হিসেবে মুঙ্গিয়াকামী বিএস'র চেয়ারম্যান সুনীল দেববর্মা, সম্মানিত অতিথি হিসেবে মুঙ্গিয়াকামীর বিডিও সুশীল রিয়াৎ, অতিরিক্ত বিডিও স্টিফেন রিয়াৎ প্রমুখ উপস্থিত ছিলেন।
